



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1467/09
Sarajevo, 15.9.2009. godine



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.9.2009.			
Organizaciona jedinica	Klasifikaciona oznaka	Redni broj	Broj priloga
01	50-1-15-57	09	

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 98. sjednici održanoj 14.9.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 57. sjednici ovog doma održanoj 8.7.2009. godine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1467/09
Sarajevo, 14.9.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 57. sjednici Predstavničkog doma održanoj 08.07.2009. godine, u okviru komentara na odgovore na poslanička pitanja postavio sljedeće poslaničko pitanje:

"Da li je Vijeće ministara utvrdilo Trogodišnji program javnih investicija? Tražim dostavu programa kada ga Vijeće ministara usvoji".

Na postavljeno pitanje, Vijeće ministara Bosne i Hercegovine je na 98 sjednici održanoj 14. 9. 2009. godine, utvrdilo sljedeći

ODGOVOR

Usvajanjem Zakona o izmjenama i dopunama Zakona o ministarstvima i drugim tijelima uprave Bosne i Hercegovine („Sl. glasnik BiH“, broj 88/07), nadležnost koordinacije međunarodne ekonomske pomoći BiH, izuzev dijela koji se odnosi na pomoć Evropske unije, prenešena je iz Ministarstva vanjske trgovine i ekonomskih odnosa BiH u Ministarstvo finansija i trezora BiH.

U sklopu navedenog Ministarstvo finansija i trezora BiH preuzelo je i aktivnosti na izradi Programa javnih investicija institucija Bosne i Hercegovine i Programa javnih investicija Bosne i Hercegovine.

Uspostavljen je GRMS sistem i testirana je Oracle aplikacija za izradu i praćenje Programa javnih investicija u Ministarstvu finansija i trezora Bosne i Hercegovine, Ministarstvu finansija Federacije BiH, Ministarstvu finansija Republike Srpske i Direkciji za finansije Brčko distrikta BiH.

Implementirano rješenje integrisano je sa postojećim sistemima za upravljenje javnim finasijama (Oracle aplikacije) i jedinstveno je za sve korisnike. Poseban modul implementiranog rješenja omogućava prijenos i integraciju podataka o programima javnih investicija čime je omogućeno centralizovano izvještavanje na državnom nivou, a nadzor i kontrola nad podacima o javnim investicijama ostavljeni su svakom pojedinom korisniku sistema.

U cilju izrade Programa javnih investicija institucija Bosne i Hercegovine 2009. – 2011. svim budžetskim korisnicima dostavljeno je pismo i IP obrazac „Informacije o projektu“, koji je trebalo popuniti za **sve odobrene projekte, projekte u implementaciji** (uključujući i projekte tehničke pomoći) koje budžetski korisnik implementira. IP obrazac je trebalo popuniti i za **nove projekte za koje treba osigurati finansiranje**.

Podaci prikupljeni od budžetskih korisnika unešeni su u GRMS sistem koristeći Oracle aplikaciju. Unešeno je preko 200 projekata uključujući i projekte koji se implementiraju od 2003. godine. Načinjen je Program javnih investicija institucija BiH za period 2009.-2011. godine. Odobreni projekti i projekti u implementaciji su usaglašeni sa usvojenim Budžetom institucija BiH za 2009. godinu. Nakon provedene zakonske procedure, Program javnih investicija institucija BiH za period 2009.-2011. godine je 01.07.2009. godine upućen na usvajanje Vijeću ministara BiH.

Vijeće ministara BiH, na 96. sjednici održanoj 20.08.2009. godine, upoznalo se sa Programom javnih investicija institucija BiH za period 2009.-2011. godine i zadužilo Ministarstvo finansija i trezora da isti doradi. Doradeni dokument je 26.08.2009. godine upućen na usvajanje Vijeću ministara BiH.

Entiteti nisu koristili GRMS sistem za izradu svojih Programa javnih investicija, već su iste radili u starim bazama i tek nakon usvajanja na vladama (Program javnih investicija RS je usvojen 11.06.2009., a Program javnih investicija FBiH je usvojen 23.07.2009.) unose projekte u GRMS sistem koristeći Oracle aplikaciju. Vlada Brčko distrikta BiH je tek 10.07.2009. godine imenovala osoblje odgovorno za izradu Programa javnih investicija.

Zbog kašnjenja u usvajanju pojedinačnih Programa javnih investicija i ne postojanja entitetskih projekata i projekata Brčko distrikta BiH na centralnom serveru, Ministarstvo finansija i trezora nije bilo u mogućnosti pripremiti Program javnih investicija BiH za razdoblje 2009.-2011. godine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2944/09
Sarajevo, 28.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 28.09.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-57/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 99. sjednici održanoj 24.9.2009. godine, utvrdilo je odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 57. sjednici ovog doma održanoj 8.7.2009. godine.

U pritvku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-2944/09
Сарајево, 24.9.2009. године

Хусеин Нанић, посланик у Представничком дому Парламентарне скупштине Босне и Херцеговине, на 57. сједници Представничког дома одржаној 08.07.2009. године поставио је следеће посланичко питање:

„ Зашто се одредба члана 29. Закона о путним исправама БиХ а који се односи на рок важења путне исправе, у пракси не примјењује досљедно?“

На постављено питање, Савјет министара Босне и Херцеговине је на 99. сједници одржаној 24.9.2009. године, утврдио следећи

ОДГОВОР

Апликација за производњу путних исправа која се користила до 06.07.2009. године, развијена је од стране компаније „Бундесдруцкереи ГмбХ“ , Савезна Република Њемачка. Босна и Херцеговина није била власник изворног кода ове апликације тако да било какве измјене на самој апликацији нису биле могуће, па ни прилагођавање периода важења путне исправе за дјецу до 7 година.

Нова апликација која се користи за обраду захтјева и производњу биометријских путних исправа у себи садржи процедуру за исправно одређивање дужине трајања путне исправе. То значи да је од 06.07.2009. године рок важења путне исправе усклађен са законским рјешењем, члан 29. Закона о путним исправама Босне и Херцеговине („Службени гласник БиХ“, бр: 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 и 39/08).



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2352/09
Sarajevo, 8.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 8.9.2009.			
Organizaciona jedinica	Klasifikaciona oznaka	Redni broj	Broj priloga
01	50-1	15-57	09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 97. sjednici održanoj 3.9.2009. godine, utvrdilo je odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 57. sjednici ovog doma održanoj 8.7.2009. godine.

U pritvku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2352/09
Sarajevo, 3.9.2009. godine

Husein Nanić, zastupnik u Predstavničkom domu Parlamentarne skupštine Bosne i Hercegovine, postavio je slijedeće zastupničko pitanje:

« Kada će u daljnju parlamentarnu proceduru uputiti isti ili novi zakon o denacionalizaciji? »

Na postavljeno pitanje, Vijeće ministara Bosne i Hercegovine je na 97. sjednici održanoj 3.9.2009. godine, utvrdilo slijedeći

ODGOVOR

Komisija za denacionalizaciju koju je formiralo Vijeće ministara Bosne i Hercegovine u skladu sa odredbama člana 31. Poslovnika o radu Vijeća ministara Bosne i Hercegovine („Službeni glasnik BiH“, br. 22/03) je pripremila tekst Prijedloga zakona o denacionalizaciji i u skladu sa članom 59. istog Pravilnika ga dostavila Parlamentarnoj skupštini Bosne i Hercegovine.

Ovaj Prijedlog je razmatran na 20. Sjednici Predstavničkog doma Parlamentarne skupštine koja je održana 16.01.2008. godine i usvojen je u prvom čitanju.

Prijedlog ponovo razmatran na nastavku 11. Sjednice Doma naroda Parlamentarne skupštine Bosne i Hercegovine koja je održana 25.02.2008. godine i Prijedlog zakona je odbijen.

Ministarstvo pravde Bosne i Hercegovine nije dobilo od Parlamentarne skupštine Bosne i Hercegovine razloge zbog kojih je Zakon odbijen.

Vijeće ministara Bosne i Hercegovine je na 64. Sjednici održanoj 30.10.2008. godine donijelo Zaključak da se ponovo pristupi izradi Prijedloga zakona o denacionalizaciji i zadužilo ministra pravde Bosne i Hercegovine da imenuje radnu grupu za izradu navedenog zakona u čiji sastav bi pored predstavnika Ministarstva pravde trebali biti uključeni i predstavnici Ministarstva finansija i trezora, Ministarstva civilnih poslova i Ministarstva za ljudska prava i izbjeglice. Istovremeno radna grupa je zadužena da pripremi Prijedlog zakona o denacionalizaciji.

Radna grupa je nakon toga održala više sastanaka, razmotrila sve verzije Zakona o denacionalizaciji koji je ranije bio dostavljen Parlamentarnoj skupštini Bosne i Hercegovine koji je odbijen i obavila konsultacije sa nevladinim sektorom, a naročito sa predstavnicima Međureligijskog vijeća Bosne i Hercegovine.

U pismenim aktima i na satancima od strane Međureligijskog vijeća BiH je istaknuto da se u osnovi podržava raniji tekst Prijedloga zakona o denacionalizaciji, ali su ipak predložili da se taj zakon dopuni, po njihovom mišljenju drugačijim i boljim rješenjima.

Cijeneći sve dostavljene primjedbe i sugestije u ovaj zakona su u odnosu na raniji Zakon unesena drugačija rješenja i to:

U članu 9. promijenjen je naslov koji glasi: Crkve i vjerske zajednice kao korisnici prava na denacionalizaciju. Na ovaj način izvršeno je usaglašavanje sa postojećom terminologijom utvrđenom u ranije donesenim zakonima, konkretno prema Zakonu o slobodi vjere i pravnom položaju crkava i vjerskih zajednica.

U članu 16. st. 2 u kome se govori o naknadi za oduzetu imovinu, pa je brisana maksimalna visina novčane naknade od 150.000, 00 KM kada je vraćanje nekretnine nemoguće, propisano je da se novčana naknada u ovom slučaju isplaćuje u skladu sa Zakonom o eksproprijaciji, prema mjestu gdje se imovina nalazi. Do izmjene došlo je zbog toga što bi u slučaju nemogućnosti vraćanja nekretnina, a prilikom isplate maksimalnog iznosa od 150.000, 00 KM došlo do povrede prava ovlaštenika čija vrijednost imovine znatno prelazi ovaj iznos. Propisivanjem odredbe da se naknada određuje u skladu sa Zakonom o eksproprijaciji, o mjestu gdje se imovina nalazi, data je mogućnost ovlaštenicima, da im se u zakonskom postupku odredi pravična naknada.

Članom 36. st. 1 je određeno da otkazni rok za vraćanje poslovne prostorije ili stana ne može biti duži od šest mjeseci.

Članovima 41. st.2, 43. st.3, 44. st.4, 45 st.4 i 7. su preciznije određene ustavne odredbe o zastupljenosti konstitutivnih naroda u Bosni i Hercegovini.

U članu 45. dodat je stav 7 prema kome su zahtjev za denacionalizaciju, isprave i dokumenti koje je podnosilac zahtjeva dužan dostaviti uz zahtjev, oslobođeni plaćanja administrativnih i sudskih taksi i troškova postupka. Raniji vlasnici su oslobođeni plaćanje administrativnih i sudskih taksi i troškova postupka zbog toga što im je ranija imovina oduzeta prisilno i prenesena u društveno vlasništvo.

U članu 46. (a) st. 2 iza riječi "za pravna lica" dodana je riječ "naziv", pa će se na ovaj način dobiti potpuniji podaci o podnosiocu zahtjeva.

U članu 47. dodata je nova tačka f) prema kojoj ukoliko podnositelj zahtjeva za denacionalizaciju ne posjeduje Odluku o denacionalizaciji ili u drugom obliku oduzimanja, Komisija je dužna pribaviti nevedene dokumente po službenoj dužnosti. Na ovaj način omogućuje se da podositelj zahtjeva lakše pribavi dokumente koje su mu potrebni u postupku denacionalizacije, i to je Komisija dužna uraditi po službenoj dužnosti.

U članu 50. dodat je novi stav 4. koji propisuje da je postupak o denacionalizaciji hitan.

U članu 51. precizira se da Komisija utvrđuje visinu novčane naknade, način i rok isplate.

Prijedlog zakona o denacionalizaciji koji je u skladu sa Pravilnikom za provođenje pravila za konsultacije u izradi pravnih propisa u Ministarstvu pravde Bosne i Hercegovine stavljen je na web stranicu Ministarstva pravde Bosne i Hercegovine (www.mpr.gov.ba) dana 06.07. 2009. godine. Na navedenoj stranici su date instrukcije o načinu dostavljanja komentara u roku od minimalno 30 dana. Nakon isteka tog roka Ministarstvo pravde Bosne i Hercegovine će razmotriti prijedloge, komentare i sugestije i one koje su osnovane uvrstiti u tekst Prijedloga zakona, a

*zatim dostaviti u dalju zakonsku proceduru Vijeću ministara Bosne i Hercegovine i
Parlamentarnoj skupštini Bosne i Hercegovine.*